



WAT A KOPSCRABERIJ!

Kluchtig blijspel in het Gronings

door

NICO TORRENGA

TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl

VOORWAARDEN

Alle amateurverenigingen die het stuk: **WAT N KOPSCRABERIJ!** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **NICO TORRENGA** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: © 2018 Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **8** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

ROLVERDAILN:

Joop Geertsemoa, 40-70

Lobke Geertsemoa - zuster van Joop, 50-70

Jansje Schoap - buurvraauw, 50-75

Jans Schoap - heur bruier, 50-75

Sonja Boeremoa - gast, 30-60

Twan Boeremoa - bruier van Sonja

Pieke - gast, 40-70

Klazien van der Zweep - gast, 40-70

DECOR:

t Toneel is n woonkoamer, dij ainvoudeg ienricht is. Der staat n toavel mit wat stoulen en n sloapbankje mit n toaveltje der noast. Aan de wand hangen wat fotoliesten, woar n haalf afscheurde foto ien zit (*allineg Joop zichtbaar*). Links n deur noar gaang tou en rechts noar ale aander vertrekken. Ien t midden toendeuren mit gardienen. Koamer is n grode rommelpot. Overal liggen klaaier, lege blikjes, pizza deuzen, draankflezzen, old pepier, etc.

EERSTE BEDRIEF

(als het doek open gaat, ligt Joop samen met Twan op de (slaap)bank te slapen en zijn de gordijnen dicht. Twan heeft een blonde damespruik op. Onder het slaapbankje ligt een klein koffertje.)

JOOP: *(telefoon gaat, Joop pakt telefoon op en legt hem weer neer, kijkt verbaasd om zich heen, ziet er verwaarloosd uit, heeft niet door dat iemand naast hem ligt) Huh? Woar bin ik? (wil gaan staan, het liefst in blote bast en boxersshort, heeft een flinke kater) Oh, mien laive tiedpot... mien kop! (ziet een blonde dame liggen, maar ziet niet dat het Twan is) Wèl hebben we hier? n Blonde doame? Wat heb k nou weer ommaans had... (telefoon gaat, fluisterend) Ja? ...Wat mos van mie? (verbaasd) Wat? Ja, ja, dat zel ja wel... (bits) Ach mîns, t was dien aigen keus om bie mie vot te goan... Ach sodemieter toch op... (verbreekt kwaad verbinding) Mien kop... Carnaval wordt nog es n keer mien dood. (zuchtend, pakt een fles drank en wil een slok nemen) Loat ik dat ook mor nait doun. k Mout eerst mor n kop kovvie hebben. Dat liekt mie wel zo verstandeg tou. (gaat links af, Twan kreunt wat en draait zich om)*

SONJA: *(ordinair type, rood haar, draagt sexy kleding, maar komt nu op in nachthemd met tijgerprint) Zo te zain is mien Jopie al wakker. (giechelt) Wat n type... k Hoop wel dat e hom aan zien belofte hòldt. Teminnen... As e hom nog wat herinnern kin. Tja, as je zoveul drinken, din wait je dag der noa nait meer wat je oavend der veur oetspookt hebben. Kom op Doornroosje... Wakker worden! (Twan kreunt wat en draait zich weer om, Sonja hoofdschuddend rechts af)*

JOOP: *(links op, denkt dat er een vrouw in zijn bed ligt) Zo... Kovvie zel zo wel kloar wezen. (kijkt even bij Twan) Ik loat dizze doame nog mor even lekker liggen... (deurbel gaat, kijkt op zijn horloge) Wèl staat der nou al weer veur mien deur? (kijkt door tuindeur naar buiten, gordijnen zitten nog dicht) Och, nee toch... Dij nijsgierege Schoapekop van hiernoast... (kijkt naar Twan) Dij het mie vast vannaacht heuren thoeskommen, nijsgiereg oagje! (deurbel gaat weer) Ja, ja, de groeten buurman! t Is goud mit die... (zuchtend) Even gain gezoes aan de kop! Ik zel eerst es even kieken of kovvie der al deur is. (gaat links af)*

SONJA: *(rechts op) Heurde ik nou deurbèl? (doet gordijnen open en kijkt naar buiten) Hm, vrumd. Genain te zain. Ik zel mie t wel verbeeld hebben. Twan... Wakker worden Twan! (Twan komt al*

kreunend overeind) Waistoe ook woar of ik mien haandtas loaten heb?

TWAN: *(verwijfd type, ziet er als een travestiet uit die een zware nacht heeft gehad)* Mìns, wat hes nou alweer te soezen? Loat mie eerst es even biekommen. *(kijkt om zich heen, doet pruik af)* Wat n naacht!

SONJA: *(zoekt ondertussen)* Nait soezen. Wèl feest viert, mout de gevolgen accepteren. Dus doe wais ook nait woar mien haandtas is?

TWAN: k Heb gain idee! *(ruikt aan zichzelf)* Wat ik wel wait is dat k mie eerst even himmeln wil.

SONJA: Nou, straks Jopie mor even vroagen. Koms mit? Din zel ik die badkoamer even loaten zain. *(samen rechts af, voor het raam komen Jans en Jansje en gluren nieuwsgierig naar binnen, Joop komt binnen en de burenen verstoppen zich snel)*

JOOP: *(kijkt naar de tuindeuren)* Dij gerdienen waren toch dicht? Of bin ik nou gek aan t worden? Ach, ik zel mie t wel verbeelden. Of het zai messchain... *(loopt naar het slaapbankje, ziet dat het bed leeg is, Jans en Jansje gluren onopgemerkt door het raam)* Ik wait nait woarom, mor k heb t gevuil dat ter hier wat nait klopt! *(gaat bij de tafel zitten en leest in de krant)*

SONJA: *(rechts op)* Goiedag. *(gaat links af, Jans en Jansje weten niet wat ze zien)*

JOOP: Moi. *(leest verder in zijn krant en kijkt dan verschrikt op de zaal in)* Huh? *(kijkt naar de deur)* Ik mainde nou toch echt dat ik n vraauw mit rood hoar zag... Ik mainde dat dij doame dij ien mien bèr lag, blond was! Tjonge, jonge... Ik mout wat toch echt wat minder daip ien t glaske kieken!

SONJA: *(links op)* Moi laiverd... Hes lekker sloapen op baank?

JOOP: *(schrikt)* Huh... Laiverd? Wat... Wèl bistoe?

SONJA: Ik bin Sonja.

JOOP: *(bits)* Mìns, wat kin mie t schelen hou doe haits!

SONJA: *(lachend)* Woarom vragt t din?

JOOP: *(verbaasd)* Wat dustoe hier?

SONJA: *(lachend)* Ik woon hier.

JOOP: *(neemt een slok koffie en spuugt het uit)* Doe woons hier?

SONJA: Dat hestoe goud heurd, Jopie!

JOOP: *(verbaasd)* Hou waistoe mien noam?

SONJA: *(lachend)* Of doe dat nait wais, mien keudeldoemke. *(geeft een zoen op zijn wang en gaat rechts af, Jan en Jansje gluren door het raam, zijn erg verbaasd en gaan weg)*

JOOP: *(verbaasd)* Mien keudeldoemke? Volgens mie bin k nog zo

dronken as n switser. Wat veur domme dingen heb k gusteravond doan? *(deurbel gaat)* Ik... eh... *(deurbel gaat weer, helemaal van slag)* Ja, ja...ik kom der al aan. *(links af en komt even later met Jans en Jansje op)*

JANSJE: *(pittig ouderwets typetje, komt binnen stormen en kijkt nieuwsgierig de kamer rond)* Zo, Joop Geertsemoa...vertel t ons mor es even!

JANS: *(erg onnozel typetje!!)* Joa Joop, vertel!

JOOP: Wat zel ik joe baaident vertellen mouten?

JANSJE: Dat waistoe hail goud, Joop Geertsemoa!

JOOP: Ik wait nait wat joe bedoulen, Schoapekoppen!

JANSJE: Ach, dou nou nait as ostoe van niks wais, Joop Geertsemoa! Ik wait wat ik zain heb en dat waistoe ook wat ik zain heb, Joop Geertsemoa! *(kijkt ook achter de gordijnen)*

JANS: Hou kin hai nou waiten wastoe zain hes? Hai was toch nait bie ons?!

JANSJE: *(zuchtend)* Ach kirrel, dou nait zo onneuzel...

JOOP: Doar zeps wat! Hou kin ik nou waiten, wastoe denks te waiten wastoe zain hes, terwiel ik zulf genains wait, wastoe denks te waiten wastoe zain hes?

JANS: *(verbijsterd)* Huh? Dat snap k nait! Zeg dat nog es, Joop Geertsemoa!

JOOP: Ach, hol der mor over op! *(gaat kwaad bij de tafel zitten)*

JANS: Minsen kinder, bruuk toch nait van dij iengewikkelde zinnen. n gewoon mìn as ik, snapt doar ja haildaal niks van.

JOOP: n Gewoon mìn? Wèl... doe? *(lachend)* Hol toch op. Kirrel, doe wais van veuren gainains das van achtern leefs!

JANS: *(Jans kijkt erg sneu)* Nou...

JANSJE: *(bits)* Nou, dou nait zo grof doun tegen mien bruier...

JOOP: *(onderbreekt haar)* Wèlk nermoal mìn komt hier op vrouge mörgen binnen störm en vragt de buurman aargens over te proaten, terwiel hai gain idee het, wat e heur vertellen mout. *(Met klem)* Joa, ik bin gusteravond op stap wèst en joa, k heb n beste koater... So what!

JANSJE: *(cynisch)* Joa, joa, en dizze koater het n flinke poes!

JANS: *(verbaasd)* n Poes?

JANSJE: *(afkeurend)* n Poes joa...

JOOP: Mìn, woar hes t over?! Ik heb haildaal gain kat ien hoes!

JANSJE: Oh nee? ...En dat kittig wiefke din, dij hier deur t hoes laip?

JOOP: *(geheimzinnig)* Wèlk wiefke?

JANSJE: Dat wicht, dij hier ien dat tiegerprintje deur koamer laip! Der mekaaiert mie niks aan mien ogen, hur!

JANS: (*kijkt erg verlekkerd*) Nee, mie ook nait... schier wiefke, hur!

JOOP: (*verbaasd*) Huh... Hou waiten joe dat? (*kijkt om zich heen*)
Woar hebben joe...

JANSJE: (*beseft dat ze zichzelf heeft verraden*) Nou, eh wie....

JOOP: (*kwaad*) Jans en Jansje Schoapekop, hebben joe deur mien roam stoan loeren?

JANSJE: (*beschaamd*) Ach, n hail luddek beetje mor, hur. k Zaag toevalleg...

JOOP: (*Joop schudt afkeurend met zijn hoofd, cynisch*) Ja, ja, joe zagen toevalleg wat en joe waren toevalleg bie mie ien toen, en joe stonden ook hail toevalleg bie t roam...

JANS: (*onnozel*) Hou waistoe dat?

JANSJE: (*zuchtend*) Wat bistoe sums toch ook n domme oksel, Jans... (*tegen Joop*) Mor, vertel... Wèl is dij vraauw? (*gaat naast hem zitten*)

JOOP: Nait dat t joe wat aangaait, mor k heb gain flaauw benul wèl of ze is.

JAN EN JANSJE: (*verbaasd*) Nait? Hou kin dat nou?!

JOOP: Nou, ja...k Wait wel dat ze Sonja hait, mor verder is t mie n roadsel.

JANSJE: (*afkeurend*) Hestoe gustern wat teveul zopen?

JANS: (*lachend*) Zeker mit dien dronken kop n poedie scoord?!

JOOP: Nou, dat zel ik joe vertellen... (*gebaart hen nader te komen, Jan en Jansje doen dit*) t Gaait joe niks aan!!

SONJA: (*rechts op*) Ach, hebben wie verziède?

JOOP: (*verbaasd*) Wie? Binnen wie n wie?

JANSJE: (*stapt snel op Sonja af*) Ik bin Jansje Schoap... De buurvraauw en dit is mien bruier Jans Schoap!

SONJA: (*geeft een hand*) Sonja Boeremoa. Aangenoam.

JANS: (*kijkt haar verlekkerd aan, geeft overdreven een hand, stotterend*) Joa, ik bin ook slim aangenoam.

JANSJE: (*tegen Jans*) Nou, wie waiten ien èlks geval al wat meer, Jans! (*tegen Sonja, duwt haar broer weg*) En wat dustoe hier?

JOOP: Ja, dat zel ik ook wel es waiten willen. En waarom laag ik vanmörge op mien sloapbank te sloapen?!

SONJA: (*plagend*) Waistoe dat nait meer, Jopie?

JANS: (*verbaasd*) Jopie?

JOOP: (*kwaad tegen Jans*) Wat kin mie t nou schelen hou of ze mie nuimt. (*tegen Sonja*) Vertel mie mor waarom ofstoe haalf noakend deur mien hoes lòps?

SONJA: (*lachend*) Da's toch nait zo vrumd, laiverd. (*Joop even aankruipen*)

JANSJE: *(verbaasd tegen Jans)* Laiverd?

JANS: *(zuchtend)* Dat zee ze toch?! Doe mags ook wel es even noar dokter tou om dien oren oet te loaten spuiten!

JOOP: *(bits)* Schoapekoppen, bemui joe der toch nait mit!

JANS: Nou, neem ons nait kwoalek.

JANSJE: Wie wollen allineg mor...

JOOP: Joa, joe wollen joe der allineg mor mit bemuien, zo as aaltied!

SONJA: *(sussend)* Gain roezie moaken... Der is al ellèn genug ien de wereld... *(lachend)* We mouten nog wel even òfreken, Joop.

JOOP: *(verbaasd)* Huh...òfreken? *(Jansje schrikt en slaat handen voor haar mond)*

JANS: Wat is ter, Jansje?

JANSJE: Och nee toch, bistoe der zo ain?

JANS: Wat bedouls, Jansje?

JANSJE: Ach, niks... *(cynisch tegen Jans)* Ik mag mie van Joop naargens mit bemuien!

JOOP: *(verward)* O, nou ikke.... Ik wait ook niks meer van gusteravond... *(gaat staan)* Ik mout even kieken woar of ik mien knip heb. *(voelt in zijn broekzak en haalt er een flink pak geld uit)* Huh... Hou kom ik nou aan zo'n pak...

SONJA: Kiek, hier is honderd euro.

JANSJE: *(verbijsterd)* Mostoe hom betoalen? *(Joop begrijpt er helemaal niets van)*

SONJA: Joa, vanzulf... En t was mie t ook wel weerd! Mit mien aigen kirrel lòpt t gewoon nait zo lekker op t heden. Doarom is t k zo mooi dat k hier n ontspannen nacht had heb. Doar heb k wel n poar sinten veur over, hur!

JANSJE: *(verontwaardigd)* Mor da's toch nait normoal...

SONJA: *(lachend)* Mins, dou nait zo olderwets... k Heb om mien eigen kirrel nou even verlet... Hestoe mien taske ook zain, Joop?

JOOP: Dien taske? ...eh, nee!

SONJA: Nait? Hm... Vrumd. k Wait toch zeker dat ik hom hier aargens... Nou ja, straks nog mor even beder kieken. Ik goa der nou eerst van deur. Nogmoals bedankt en ik zai die domment wel! *(geeft Joop een zoen op zijn wang en gaat links af)*

JOOP: *(verward en houdt zijn hand tegen zijn wang)* k Wait nait... *(kijkt naar het pak geld)* Zol ik messchain mit heur...

JANSJE: *(afkeurend)* Dit haar ik nait achter die zöcht, Joop. Ik snap nait dastoe die tot zukswat verlegen kins. k Wis wel das n beedje krap bie kas zats, mor om die nou mor zulf te verkopen goan...

JOOP: *(kapt haar af)* Ach, mins dou toch normoal! *(telefoon gaat, bits)* Joop Geertsema... *(vriendelijk)* Moi Lobke... Aal goud? Joa

hur, hier wel... (*geïrriteerd*) Nee, doe huifs die gain zörgen moaken om mie... Ja, ik kin mie zulf hail bèst redden, hur (*Jansje kijkt hem verbaasd aan*)

JANSJE: (*cynisch*) Ja, ja, ...dat hebben wie zain!

JOOP: Wat? (*lacht*) Nee, k heb gain vraauw hier over vlouer... Nee, dat vertel ik die nait... (*bits*) Omdat t die niks aan gaat! Doe huifs mie nait zeggen wat of ik... Luuster Lobke, ik heb gain nije reloatie. Wat kin die t nou schelen, wèl hier ien mien hoes touholt. (*Jan en Jansje luisteren met, staan dicht bij Joop*) t Is mien buurvraauw mor...Nee... (*verbaasd, kijkt Jan en Jansje aan en deze doen vlug een stapje terug*) Wat? (*lachend*) Ach, hol toch op, mit mien buurvraauw? Hestoe heur wel es goud bekeken? (*Jansje verbaasd, Joop lachend*) Nou, doar kin k gain sloek op kriegen, hur... (*Jansje kijkt hem kwaad aan, Joop duikt in elkaar*) Luuster zus... Hallo? Lobke? Nou, ja zeg. Ze het ophongen!

JANS: (*lachend*) Dij komt vast en zeker op n drafje hier hìn, wat ik die zeg!

JOOP: (*somber*) Doar kons wel es geliek ien hebben, Jans.

JANSJE: (*bekijkt lege pizzadoos en trekt haar neus op als ze deze open doet*) Tjonge jonge, t liekt hier ja wel n swienehok! Zo zai je mor weer dat n man allineg ook haildaal niks weerd is!

JOOP: Ach, t bevaalt mie aans bèst. Gain gezoes aan de kop. En hou ik hier leef, bepoal ik zulf. (*dirigeert Jan en Jansje naar linker deur*) Nou doe t toch over gezoes aan de kop hes... t tied om noar hoes tou te goan. (*duwt haar de kamer uit en sluit de deur*) Tot kiek Schoapekoppen... Tjonge, jonge, wat n toustanden ook aaltied mit dij twij baaident... Mien aigen vraauw is der vandeur goan, mien buurvraauw lòpt hier mit dij haalsknoak van n bruier te speurneuzen, n wildvrunde vraauw lòpt hier ien heur naachtgoud deur mien hoes, en betoald mie sînten veur Joost mag waiten wat en mien haalf verschimmelde zuster kin ale momenten hier op stoep stoan... Wat kriegen we nou nog meer?! (*deurbel gaat 3x*) Joa, bekiek t even... Gain volk meer over vlouer. (*pakt het geld*) En hou kom ik aiglieks aan zoveel geld? (*wil rechts af, dan komt er een vrouw voor de tuindeuren, gluurt naar binnen, Joop ziet de vrouw en schrikt, verstopt het geld en doet tuindeur open*) Wat mout dat in mien toen?

KLAZIEN: (*typetje, praat wat zeurend*) Ofstoe dat nait wais, Joop!

JOOP: (*verbaasd*) Ik wait van niks!

KLAZIEN: Hestoe gusteroavend din zoveel zopen, das gainais meer wais, wastoe mie beloofd hes, Jopie?

JOOP: (*verliest zijn geduld*) Mins, k heb gain flaauw benul wèl of joe

binnen ... Loat stoan wat of ik joe beloofd heb!

KLAZIEN: Waistoe mien noam din ook nait meer? Ik bin Klazien van de Zweep!

JOOP: Kom mor even ien hoes veur bureen joe zain.

KLAZIEN: *(enthousiast)* Nou, groag... Veurdatsai mie zain!

JOOP: *(sluit tuindeuren, bezorgd)* En vertel mie nou mor es even wat of ik joe wies moakt heb!

KLAZIEN: Nou, dat zel ik die nog n moal oetleggen, jong.... *(op dat moment gaat de deurbel)*

JOOP: *(kijkt naar buiten)* Och mien laive tiedpot... Doar haar k ook net verlet om!

KLAZIEN: Woarom?!

JOOP: *(neerslachtig)* Mien zuster komt der aan.

KLAZIEN: Dien zuster? Da's toch mooi... Of nait? *(deurbel gaat)*

JOOP: Nou, din kinstoe mien zuster nog nait. Mor veur ze hier ien koamer komt, wil ik eerst waiten, wat of ik die gustern beloofd heb!

KLAZIEN: Doe wais t echt nait meer, hè? *(deurbel gaat 2x)*

JOOP: *(last van zenuwen, dwingend)* Nou, vertel op!

KLAZIEN: Man, dou even normoal...

JOOP: *(begint kwaad te worden)* Normoal? Ik mout normoal doun? *(Klazien duikt voor Joop weg)* Nou mout t ook nait gekker worden. *(deurbel gaat weer 2x)*

KLAZIEN: *(zenuwachtig)* Deurbel gaait! Mostoe nait opendoun?

JOOP: *(valt tegen haar uit)* Mins, dat bepoal k zulf wel of ik deur opendou of nait. Mien zuster wacht mor even.

KLAZIEN: *(sneu)* Gustern mog ik die oarreg laiver lieden!

JOOP: Sorry ... Mor ik wil dastoe nou vot gaais.

KLAZIEN: Ik mout weer votgaan? *(verbaasd)* Mor ons plan din? *(deurbel gaat meerdere malen)*

JOOP: k Heb gain idee wat veur plan wie hebben, mor ik wil dastoe nou votgaais. *(dirigeert haar naar de tuindeuren)* Hup, der oet!

KLAZIEN: *(verbaasd)* Mor...

JOOP: Tot kiek! *(sluit tuindeuren. Klazien blijft voor het raam staan praten tegen Joop)* Zo, nou eerst mor mien zuster der ien loaten. *(kijkt weer naar de tuindeuren en doet gordijnen weer dicht)* Tjonge, jonge, wat n toustanden op de vrouge mörgen. *(kijkt even de kamer rond, ruimt snel wat op, maar laat dan de boel de boel, zucht even diep, deurbel gaat nou wel erg lang)* Ja, ja, ik kom der al aan. *(Joop komt even later op met zijn zus)*

LOBKE: *(dominant en zeer degelijk type, helm op, lange jas aan, stormt toneel op)* Woar is ze? *(kijkt goed rond)*

JOOP: *(verbaasd)* Wèl bedouls?

LOBKE: *(bits)* Dat waistoe hail goud, Joop Geertsemoa!

JOOP: Beguns doe nou ook al?

LOBKE: *(verbaasd)* Hou ik ook al begunnen... Woar hes t over?

JOOP: Èlkenain dij hier vandoag wèst het, zegt dat ik ales wait. Mor hou kin ik nou waiten, dat ik t waiten mout, terwiel ik echt naargens wat vanòf wait?

LOBKE: Man, wat staais nou roar te kwedeln. Doe hes guster oavend zeker weer te veul draank had? *(ruikt overdreven aan Joop)* Mien laive tiedpot, wat n meur... Wat bis ook n popke nathaals... Man, woar zit dien verstand?! Ons moe zee aaltied...

JOOP: *(zuchtend)* Ook van witte wien krigt men n rooie neus!

LOBKE: Zo is t mor net. En wat was dat over aal dat volk, dij hier wèst hebben? *(schrikt en slaat handen voor haar mond)*

JOOP: *(schrikt)* Wat hes? Kriegs n touval?

LOBKE: *(schamend, pakt een slip met tijgerprint)* Wat is dit wel nait? *(jammerend, smijt slip weg)* Doe swienhond! *(geeft hem een lel)*

JOOP: Auw... *(verbaasd)* k Heb gain idee van wèl of dij is!

LOBKE: *(kwaad)* Tjonge, jonge...Meneer zien vraauw is der vandeur goan en din het e hier n... n... Ik krieg t der banaauwd van... Ik mout eerst wat frizze lucht hebben. *(doet gordijnen open en Jansje staat met oor tegen het raam te luisteren. Lobke schrikt zich wezenloos en raakt in de war met de gordijnen)*

JOOP: Wel potverdorie, doe domme Schoapekop!

LOBKE: Wat zellen we nou beleven! Wèl is dat mîns? *(beseft ineens wat)* Toch nait ain van dien... Dij onderboksem is zeker van heur?! Oh, wat n schande... *(van slag, rechts af)*

JOOP: *(Joop doet tuindeuren open)* Wat het dit te betaiken, Schoapekop? Goan we nou ook al luustervinkje speulen? Hestoe din haildaal gain schoamtegevuil? *(Joop kijkt buiten of Klazien er nog is)*

JANSJE: Schoamte? Nou dat mostoe neudeg zeggen, Joop Geertsemoa.

JOOP: *(onnozel)* Ik? Wat bedouls?

JANSJE: Hol die mor nait van de domme!

JOOP: Wat wait k nou din weer nait, wastoe wel wais? *(staat samen met Jansje voor op toneel en zien niet dat Lobke weer op komt)*


JANSJE: Vanmörge zaag k al n vrumde vraauw ien n tiegerpakje deur dien hoes lopen en doarnet laip ter nog n vraauw deur dien toen te strunen, dij ging hier ien hoes en even loater weer noar boeten tou. En din wiltoe mie wat zeggen over schoamte?

JOOP: Nou, doar is n verkloaren veur, hur!

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto